

經

義

述

聞

經義述聞第二十四

高鄧王引之

春秋公羊傳五十四條

會猶最也 如勿與而已矣 防適也 會正朔也
以吾愛與夷則不若愛女 吾爲子口隱矣 倣甚也
元年春王正月 非有卽爾 大閱者何簡車徒也
則突可故出而忽可故反 是不得則病 二月
丙午 此非怒與 必無紀者 然則齊紀無說焉
臂擲 此未有言伐者 弟也 序績也 吾雖盟國
之餘 出不正反戰不正勝 未得乎取穀也 通可
以已也 爾卽歿必於穀之欵巖 或曰往矣或曰反

矣 一木又作易輪 二月癸亥朔 云災 以人心
爲皆有之 以爲周公王 魯公用驛桐 其意也
赫然 勝乎皇門 茅旌 而微至乎此 潞子之爲
善也躬 是則土齊也 蓋舅出也 往始乎晉 莒
女有爲鄆夫人者 歲在己卯 乙未 終身無已也
叔孫舍至自晉 且夫牛馬維婁委已者也而柔焉
君無多辱焉 賦而曰 三月辛巳 色然 夏一
本作廉 涕沾袍 公羊災異
會猶最也

隱元年公羊傳會猶最也何注曰最聚也直自若平旺

聚會無他深淺意也最之為言聚若今聚民為投最釋

文最字無音家大人曰正文及注最字皆當作聚才句切

取與聚聲義皆同故曰最之為言聚也說文取積也從

口莫狄切取亦聲徐錯曰古以聚物之聚為取世人多

見最少見取故書傳取字皆譌作最樂記會以聚欲鄭

注曰聚或為取釋文不為作音蓋所見本已管子禁藏

篇冬收五藏取萬物尹注取聚也地數篇民舉所取粟以避

重泉之戍尹注取聚也又音子外反則當時已誤為最莊子德充符篇物何

為取之哉司馬彪注曰取聚也釋文引徐邈音采會反則徐本已譌作最荀

子彊國篇執拘則取韓詩外傳作執拘則聚趙策顏取

史記廉頗藺相如傳作顏歌。史記殷本紀大取樂戲於沙邱。徐廣曰：取一作聚。周紀則固有周聚以收齊。徐廣曰：聚一作取。鵬鳥賦：憂喜聚門兮。李善曰：或作取。亦聚也。小爾雅：聚，聚叢也。今本取皆譌作最。主篇門部不收取字而以聚也之訓。誤入月部最字下。說文繫傳最字下淺人增又曰聚三字。韻會所引無之。大徐本亦無。段氏說文注已辨之。此傳釋文不爲取字作音，則唐初已誤爲最，不始於開成石經矣。

如勿與而已矣

母欲立之，已殺之，如勿與而已矣。何注曰：如卽不如。齊人語也。家大人曰：如上當有不字而寫者，脫之。桓十四

年傳曰御廩災不如勿嘗而已矣。文十六年傳曰先祖爲之已毀之不如勿居而已矣。則此亦當云不如勿與而已矣。不然同一齊人語何以此言如而彼皆言不如乎。何注殆不可從。凡以如爲不如者皆爲此注所誤。說見釋詞。

昉適也

二年傳始滅昉於此乎。何注曰昉適也。齊人語疏未解適字之義。引之謹案。一切經音義卷六。華嚴經音義上。並引三蒼曰適始也。

會正朔也

三年傳日食則曷爲或日或不日。或言朔或不言朔。曰

某月某日朔日有會之者。會正朔也。何注曰。此象君行
外疆內虛。是故日月之行無遲疾。會不失正朔也。引之
謹案。正當也。廣韻正。會正朔也者。日之會當月之朔也。
正之言貞也。廣雅云。貞當也。下文其或日或不日。或失
之前。或失之後。失之前者。朔在前也。失之後者。朔在後
也。皆謂日會不與朔相當。則此會正朔。謂不前不後當
朔而會明矣。古人多謂當爲正。詳見易正。何注未達正。
字之義。故正字之上。又加不失以明之。不知正訓爲當
卽不失之謂也。

以吾愛與夷則不若愛女

以吾愛與夷則不若愛女以爲社稷宗廟主則與夷不
若女疏標以吾至愛女五字解曰若如也言吾愛於與
夷則不止如女而已言其甚也引之謹案傳意是謂與
夷雖我所甚愛而不可以爲社稷宗廟主今乃言愛與
夷不若愛女則是愛之不甚非其語意也今案與夷字
女字當是上下互譌尋文究理蓋本作以吾愛女則不
若愛與夷寫者錯亂耳作疏者不能釐正乃云不止如
女以曲成其義案傳云不若未嘗言不止若也且上下
兩言不若皆謂不如何獨於上不若解爲不止若乎蓋
所見已是誤本故強爲之說而終不可通也

吾爲子口隱矣

四年傳公子翬謂桓曰吾爲子口隱矣隱曰吾不反也何注曰口猶口語相發動也引之謹案注意蓋讀口爲叩叩發動也謂以已之言發動隱公之言也論語子罕篇我叩其兩端孔注曰發事之終始兩端以語之釋文叩音口發動也是其證學記曰善待問者如撞鍾叩之以小者則小鳴叩之以大者則大鳴叩亦發動之意與此相近。

倣甚也

九年大雨雪傳曰何以晝記異也何異爾倣甚也何注

曰倂始怒也。始怒甚猶大甚也。蓋師說以爲平地七尺雪者盛陰之氣也。盛陰之氣大怒。此桓將怒而弑隱公之象。引之謹案倂訓爲始。不訓爲怒。雪非雷電之屬。亦不象人之怒也。郭璞注爾雅倂作也。引此傳倂甚也。文義亦未安。辨見爾雅。今案倂厚也。見大雅。倂甚者厚甚也。平地七尺雪厚莫甚於此矣。故曰倂甚也。如此之厚者世所罕見。故謂之異也。

元年春王正月

桓元年春王正月。公卽位。引之謹案春秋繫露玉英篇。桓之志無王。故不書王。其志欲立。故書卽位。書卽位者言其弑君兄也。不書王者以言其背天子。是故隱不言。

立。謂不言也。

桓不言王者從其志以見其事也。

以上春秋繫辭先

言不書王後言書卽位皆指元年而言也。隱不言立桓不言王亦謂隱桓之元年也。據此則元年春下無王字與左氏穀梁不同。何注三年春正月曰無王者以見桓無王而行也不注於元年而注於三年則元年春下有王字與左氏穀梁同。所見本異也。又案書王不書王之故傳無明文蓋疑而闕之時周室既卑令不行於諸侯諸侯無王者不惟魯桓而已。何獨於桓誅無王之罪乎穀梁以爲桓無王元年有王所以治桓弑君之罪則何以解於十一公之元年無罪而書王乎。無王之說本非

達詒。公羊則無此說也。董仲舒何休皆以桓爲無王。殆非傳意。

非有卽爾

二年傳器之與人。非有卽爾。何注曰。卽就也。若曰。取彼器與此人異國物。凡人取異國物。非就有。取之者皆持以歸爲有。引之謹案。據注。則傳文當作非卽有爾。傳作非卽有爾。故注云。凡人取異國物。非就有也。下文。至乎地之與人。則不然。注曰。凡取地皆就有之。與器異也。蓋足以見器之與人。非卽有矣。疏出非有卽爾四字而解之曰。謂非有就而有之爾。則所據本已誤作有卽。唐石

經亦誤。

大閱者何簡車徒也 蒐者何簡車徒也

六年秋八月壬午。大閱。傳曰。大閱者何。簡車徒也。昭八年秋。蒐于紅。傳曰。蒐者何。簡車徒也。十一年。大蒐于比瀆。傳曰。大蒐者何。簡車徒也。引之謹案。大閱者何。簡車徒也。當作大閱者何。簡車也。徒字。涉昭十一年傳而衍也。蒐者何。簡車徒也。當作蒐者何。簡徒也。車字。亦涉昭十一年傳而衍也。蓋蒐惟簡徒。大閱惟簡車。大蒐則合車徒而並簡之。故傳分別言之。何注大閱者何。簡車也。曰。大簡閱兵車。使可任用而習之。但言車而不言徒。則

車下無徒字可知。注菟者何簡徒也。曰徒眾但言徒而不言車則徒上無車字可知。桓六年昭八年十一年傳竝曰蓋以罕書也。注曰比年簡徒謂之菟三年簡車謂之大閱五年大簡車徒謂之菟言簡徒當比年爲之昭八年之簡徒非比年也簡車當以三年桓六年之簡車非三年也簡車徒當以五年昭十一年之簡車徒非五年也是以譏其罕也。據此則菟爲簡徒大閱爲簡車大菟爲簡車徒傳本各自爲義故注本之而爲此說若菟與大閱大菟傳皆謂之簡車徒則三者異名而同實主何得強爲分別而以簡徒爲菟簡車爲大閱乎以此

言之何所據大閱傳正作簡車蒐于紅傳正作簡徒明

甚漢書刑法志連帥比年簡徒

徒各本誤作車

卒正三年簡車

車各本誤作徒顏注曰徒人眾也則所見本已誤

羣牧五載大簡車徒說與何

注同蓋西漢以來公羊家舊有此說故漢志及何注皆

祖述之要皆出於傳文之分言簡車簡徒簡車徒也此

又一證矣徐疏不言簡車簡徒傳文有分合之

不同昭八年十一年疏又兩引大閱傳作簡車徒也則

所見本已誤衍不始於唐石經矣又案李善注魏都賦

謝朓登孫權故城詩並引公羊傳曰大閱者何簡車馬

也馬字蓋涉左傳而行

左傳大閱簡車馬也

何注但言車不言馬

則本無馬字可知。李所見本衍馬字。徐所見本衍徒字。皆誤本也。穀梁傳曰。大閱者。何。閱兵車也。不言徒。亦不言馬。與公羊古本合。

則突可故出而忽可故反。

十一年傳。少遼緩之。則突可故出而忽可故反。疏解突可故出云。突可以此之故出之也。解忽可故反云。言忽可以此之故而反之也。孔氏與軒公羊春秋通義曰。故如故也。言少遲久之。伺宋之隙。則突依舊可出而忽依舊可反。引之謹案。以此之故。不得但言故。疏說非也。如故亦不得但言故。且忽前此無反國之事。何依舊之有。

孔說亦非也。今案故讀當爲固。固者必也。

襄二十七年傳我卽欲女

能固納公乎。素策王固不能行也。何高注竝曰固必也。

突可固出而忽可固反。言

突可使之必出。忽可使之必反也。古字故與固通。

周語

改竄史記魯周公世家故作固論語固天縱之將聖論衡知實篇固作故

是不可得則病

是不可得則病。然後有鄭國。何注曰。使突有賢才。是計不可得行。則已病。逐君之罪。已雖病逐君之罪。討出。然後能保有鄭國。猶愈於國之亡。疏曰。言已終能出突而反。忽則爲權之成。若不能如是。乃爲其病矣。言突有賢才。已計不行。雖然仍須勉力討之。令忽有國。雖費功。

力猶愈於國之亾也。引之謹案注疏所說非傳意也。是
不可得則病乃假設之詞。病猶辱也。見上冠禮鄭注恥也是。
句謂上文之突出忽反也。言祭仲之意以爲突可出。忽可
反。若不可得。則以爲大恥。蓋其意必欲出突而反忽也。
謀國之權如是。然後能保有鄭國。故曰然後有鄭國。自
上文祭仲不從其言。至是不可得則病皆發明祭仲之
意。病者恥其事之不成。非病逐君之罪也。然後有鄭國
乃直承上文之詞。

二月丙午 五月丙午

十七年二月丙午。及邾婁儀父盟于雒。春秋說以爲二

月晦五月丙午及齊師戰于奚春秋說以爲五月之朔
見僖十六年疏蓋春秋緯之說也何氏本之發注於僖十六年傳曰事

當日者日平居無他卓僂無所求取言晦朔也趙盟奚
戰是也蓋以趙之盟在晦而不言晦奚之戰在朔而不
言朔引之謹案此說非也杜預春秋長歷桓十七年二
月甲戌朔是月無丙午丙午三月四日也五月壬寅朔
丙午是月五日也上推至三年七月壬辰朔日辰正合
若謂十七年二月丙午是晦五月丙午是朔則上推三
年七月朔當爲丙申不當爲壬辰矣經何以云七月壬
辰朔乎春秋緯之說顯與經文不合更以公羊之例求

之僖十六年傳論春秋不書晦日朔有事則書晦雖有事不書是朔日有事則書朔今五月丙午及齊師戰于奚可謂有事矣如丙午是朔日則例當書朔今不書則其非朔可知又僖十六年經之是月傳以爲晦日不言晦春秋不書晦矣此經之二月丙午事在彼前如丙午是晦日而不言晦則春秋不書晦之例當先於此發之何以傳無一語直至僖十六年之是月始云晦日不言晦乎然則此經之二月丙午傳本不以爲晦也春秋緯之說亦非傳意邵公乃濫信而不疑何耶

此非怒與

莊四年傳。今紀無罪。此非怒與。何注曰。怒。遷怒。齊人語也。此非怒其先祖。遷之。千子孫與。家大人曰。遷怒。但謂之怒。則文義不明。何注非也。怒之言。弩。太過之謂也。方言。凡人語而過。東齊謂之劒。或謂之弩。弩。猶怒也。荀子篇。刑罰不怒罪。爵賞不踰德。怒也。踰也。皆過也。說見荀子是古者謂過爲怒。今紀無罪。此非怒與者。言今日之紀無罪。乃因其先世有罪而滅之。此非太過與。東齊謂過爲弩。則弩者。齊人語也。

必無紀者

古者有明天子。則紀侯必誅。必無紀者。紀侯之不誅。至

今有紀者猶無明天子也。引之謹案必無紀下不當有者字。蓋涉下文至今有紀者而衍。唐石本闕無紀者三字。而字數與今本同。則原刻已衍者字矣。

然則齊紀無說焉

何注曰。無說。無悅懌也。釋文。無說音悅。引之謹案說當如字。讀說卽號辭也。承上文言之。古者諸侯必有會聚之事。相朝聘之道。號辭必稱先君以相接。今齊之先君爲紀所害。則齊紀先世有不共戴天之讐。不忍復稱先君。故無辭以相接也。故曰。然則齊紀無說焉。不可以竝立乎天下。何注非。

臂搬

十二年傳。萬臂搬仇牧。何注曰。側手曰搬。釋文。臂必賜反。本又作辟。婢亦反。引之謹案。臂短不可以擊人。作辟者是也。辟。推擊也。爾雅。辟。拊心也。郭璞曰。謂推臂也。是辟有推擊之義。辟之言批也。左傳說此事曰。遇仇牧于門。批而殺之。玉篇引作攏。說文。攏。反手擊也。批。辟聲之轉耳。搬當爲般。辟殺仇牧者。批殺仇牧也。左傳曰。遇仇牧于門。批而殺之。此云萬辟殺仇牧。其義一也。若作搬而訓爲側手。則與辟義相複。辟已是手擊。何須又言側手乎。何所據搬字始誤本也。古本公羊蓋作般。不作攏。

故說文無撥字。

此未有言伐者

十八年傳公追戎于濟而此未有言伐者其言追何大其爲中國追也何注曰據公追齊師至驚舉齊侵也引之謹案此未有言伐者言字後人所加傳意謂此時未有伐魯者而經言追則大其非爲已追而爲中國追也僖二十六年齊人侵我西鄙公追齊師至驚弗及彼云齊人侵我西鄙則有伐者矣有伐者而言追是爲已追此未有伐者而言追是爲中國追也下文此未有伐中國者則其言爲中國追何與此未有伐者文義正同又

十九年傳此未有伐者其言梁亡何三十一傳此未有伐曹者則其言取之曹何與此文義亦同乃謂此時未有伐之事非謂經文未有言伐者也伐上不當有言字唐石經無僖二十六年疏引此有言字蓋後人據誤本加之

弟也

十九年傳娣者何弟也家大人口弟也本作女弟也女弟也者別乎弟而言之也左傳隱元年成八年十一年昭二十八年正義引此皆作弟也則唐初本已有脫女字者不始於唐石經矣然白虎通義嫁娶篇及召南鵲巢江有汜齊南山大雅韓奕正義土昏禮疏引此皆作

女弟也。又說文及士昏禮注竝云娣女弟也。卽本於此傳。則傳文原有女字明矣。

序績也

僖四年。楚屈完來盟于師。盟于召陵。傳曰。其言來何。與桓爲主也。前此者有事矣。後此者有事矣。則曷爲獨於此。焉與桓公爲主。序績也。何注曰。序。次也。績。功也。緊次桓公之功德。莫大於服楚。引之謹案。鹽鐵論執務篇曰。齊桓公以諸侯思王政。憂周室。匡諸夏之難。平夷狄之亂。存亡接絕。信義大行。著於天下。邵陵之會。子之爲主。傳曰。子積也。故土積而成山阜。水積而成江海。行積而

成君子。此所引傳文序績作子積大雅桑柔篇誨爾序

誨女子爵漢書外戚傳賜皮弁素積顏師古注績字或作積字不同而說亦異蓋本

於嚴氏春秋也子積謂子桓公之積善即承上子桓公

為主而言義得兩通。

吾雖喪國之餘

二十二年傳宋公曰吾雖喪國之餘何注曰我雖前幾

為楚所喪所以得其餘民以為國家大人曰喪國謂商

也喪國之餘謂宋也左傳載襄公之言曰寡人雖亡國

之餘杜注曰宋商紂之後是也何注謂宋幾為楚所喪

失之迂矣。

出不正反戰不正勝

二十六年傳師出不正反戰不正勝也。何注曰不正者不正自謂出當復反戰當必勝引之謹案正之言定也必也周官宰夫鄭注曰正猶定也堯典以閏月定四時史記五帝紀定作正齊語正卒伍修甲兵漢書刑法志正作定是正與定同義師出不正反戰不正勝者言師之出也不能豫定其得反其戰也不能豫定其得勝蓋敗亡亦事之常也穀梁傳曰師出不必反戰不必勝故重之也是也不正者事不可必之謂非謂不正其自謂反自謂勝也何注失之

未得乎取穀也

此已取穀矣。何以致伐未得乎取穀也。何注曰未可謂

得意於取穀引之謹案得非得意之謂也得猶便也

呂見

氏春秋淫辭篇高注

魯內虛而外乞師以犯強齊則後患將至穀

雖已取其計不便於魯也下文患之起必自此始也正發明魯計不便之義故曰未得乎取穀也猶言未爲計之得耳此與莊六年傳之言得意不得意者殊義不得據彼以說此。

通可以已也

二十一年夏四月四卜郊不從乃免牲猶三望傳曰猶

者何通可以已也。通字何氏無注引之謹案。通之爲言猶道也。道言也。道可以已言可以已也。故文六年穀梁傳曰。猶之爲言可以已也。漢書劉向傳曰。臣誠見陰陽不調。不敢不通所聞。通所聞也。夏侯勝傳。上謂勝曰。先生通正言。無愆前事。顏師古注。通謂陳道之也。是通與道同義。道通一聲之轉。道言之道轉爲通。猶通達之通轉爲道矣。襄三十一年左傳大決所犯傷人必多不如小決使道杜注道通也法言問道篇亦曰。問道也者通也。

爾卽必於穀之缺巖

三十三年傳百里子與蹇叔子送其子而戒之曰。爾卽

外必於殽之欽嚴何注曰其處險阻隘勢一人可要百

襲鄭所當由也引之謹案注未得傳意卽猶若也古書多謂

若爲卽說見釋詞百里及蹇叔欲收子尸而恐失其處故指地

以示之曰爾若外必母在他處而在殽之欽嚴吾將於

此收爾之尸故下文曰吾將尸爾焉何注在牀曰尸穀在棺曰柩尤非

梁范注亦誤詳見左傳必外是閒下。

或曰往矣或曰反矣

或曰往矣或曰反矣引之謹案往反當上下互易何注

曰或以爲鄭伯已知將見襲必設備不如還或曰既出

當遂往之注先釋反後釋往則傳之先言反後言往可

知。寫者錯亂耳。唐石經已誤。

一本又作易輪

匹馬隻輪無反者。何注曰隻蹄也。釋文隻如字。一本又作易輪。董仲舒云車皆不還故不得易輪轍。隻蹄也。一本作易蹄。引之謹案隻木字也。易偕字也。易古音神石

反。經典釋文敘錄曰。徐仙民反易爲神石。

與隻聲相近故偕易爲隻。

隻字古音

在鐸部。易字在錫部。二部古或相通。如幕在鐸部。臂在錫部。而擅弓布幕衛也。終幕魯也。鄭注云幕或爲臂亦在鐸部。易在錫部。而論語述而篇五十以學易可以無大過矣。釋文云。魯讀易爲亦。釋在鐸部。而楚詞九章思塞產而不釋。與錫部之積策迹迺憇。蓋爲韻。赫在鐸部。而漢書赫蹏書。邵展音錫部。閱牆之閱。說文迹從亦聲。狄從赤省聲。賜或作楊。從赤聲。則以錫部之字而請鐸部之聲。伯從白聲。讀若錫部之藥。又讀若鐸部之泊。皆

是也。公羊古本蓋作易。何氏讀易爲隻故云。易踦也。踦與隻同義。易踦也者。正以明易之爲隻也。董仲舒不知易爲隻之假借。而以爲易輪轍。其說雖於文義未安。然卽此可見古本之作易矣。犬抵假借之字。不以本字讀之。則義失其真。徑改爲本字。則文非其舊。存其假借之易而讀以本義之隻。斯兩得之矣。臧氏經義雜記。乃謂易爲誤字。又謂傳文當作踦輪。注當作踦隻也。非是。

二月癸亥朔

文元年二月癸亥朔。日有食之。引之謹案。朔衍字也。漢書五行志載此經無朔字。而引董仲舒劉向之說於下。

仲舒傳公羊向傳穀梁其皆無朔字可知也志又曰凡
春秋日食三十六穀梁以為朔二十六晦七夜二二日
一公羊以為朔二十七二日七晦二今以二傳之例考
之凡日食言日不言朔者穀梁皆以為晦日隱公三年傳曰言日不言朔也公羊皆以為二日隱公三年傳說言日不言朔日也何注曰謂二日食遍數春秋日食言日不言朔者凡七一為隱
公三年二月己巳一僖公十二年三月庚午三女公元
年二月癸亥左氏穀梁皆無朔字四宣公八年七月甲子五宣公
十年四月丙辰六宣公十七年六月癸卯七襄公十五
年八月丁巳也此七者皆言日不言朔故穀梁以為晦

日。公羊以爲二日。故志曰。穀梁以爲晦七。公羊以爲二日七也。若如今本公羊。文公元年日食。二月癸亥下有朔字。則非二日矣。所謂公羊以爲二日者。但有六事。志何以云二日七乎。更以公羊朔二十七考之。所謂朔二十七者。一爲桓公三年七月壬辰朔。二。桓公十七年十月朔。穀梁以此爲二日。不以爲朔。所謂二日一也。故穀梁以爲朔者。止有二十六。三。莊公二十五年六月辛未朔。四。莊公二十六年十二月癸亥朔。五。莊公三十年九月庚午朔。六。僖公五年九月戊申朔。七。文公十五年六月辛丑朔。八。成公十六年六月丙寅朔。九。成公十七年十二月丁巳朔。十。襄公十四年二月

乙未朔十一。襄公二十年十月丙辰朔十二。襄公二十一年九月庚戌朔十三。襄公二十一年十月庚辰朔十四。襄公二十三年二月癸酉朔十五。襄公二十四年七月甲子朔十六。襄公二十四年八月癸巳朔十七。襄公二十七年十二月乙亥朔十八。昭公七年四月甲辰朔十九。昭公十五年六月丁巳朔二十。昭公十七年六月甲戌朔二十一。昭公二十一年七月壬午朔二十二。昭公二十二年十二月癸酉朔二十三。昭公二十四年五月乙未朔二十四。昭公三十一年十二月辛亥朔二十五。定公五年三月辛亥朔。五行志所引如是今本公羊傳三作正。二十六。

定公十二年十一月丙寅朔二十七日定公十五年八月庚辰朔也此二十七者皆言朔故曰公羊以爲朔二十七若文公元年二月癸亥下亦有朔字則是朔二十八矣志何以云二十七乎自顏師古注漢書劉向傳日食三十六引春秋文元年二月癸亥朔則唐初已衍朔字不始於開成石經矣當據五行志刪正

云災

二年傳犬旱之日短而云災故以災書此不雨之日長而無災故以異書也何注曰云言也言有災家大人曰席雅曰云有也詳見釋詞云災有災也有災與無災相對爲

文何知云之爲言而忘乎云之爲有故以迂回失之

以人心爲皆有之

公子遂如齊納幣傳曰納幣不書此何以書譏何譏爾
譏褻娶也三年之恩疾矣非虛加之也以人心爲皆有
之何注曰以人心爲皆有疾痛不忍娶引之謹案人之
言仁也墨子經說篇仁愛也方言凡相憐哀九疑湘潭
之間謂之人兮表記仁者人也鄭注曰人也謂施以人
恩也成十六年晉人執季孫行父舍之于招邱傳曰執
未有言舍之者此其言舍之何仁之也曰在招邱悌矣
何彼注曰悌悲也仁之者若曰在招邱可悲矣閔錄之

辭表記注引公羊仁之作人之是人卽仁也以仁心爲
皆有之者以哀痛父母之心爲眾所同有也作人者俗
字耳下文以爲有人心焉者則宜於此旁變矣何注曰
有人心念親者聞有欲爲己圖婚則當變慟哭泣矣此
解得之

以爲周公主

十三年傳封魯公以爲周公王則周公曷爲不之魯家
大人曰主字涉上文爲周公主而衍案上文云封魯公
以爲周公也周公拜乎前魯公拜乎後曰生以養周公
以爲周公主封魯公以爲周公兼生養歟祭言之非

專指爲祭主一事也。且爲周公主。爲字讀平聲。封魯公以爲周公。爲字讀去聲。並見釋文此文封魯公以爲周公。是復述上文之詞。若於爲周公下加一主字。則謬以千里矣。自唐石經始衍主字。而各本遂沿其誤。定四年左傳正義引此無主字。

魯公用騂牝

何注曰。騂牝。赤脊周牲也。疏曰。正以山脊曰剛。故知騂牝爲赤脊矣。引之謹案。牛脊赤色。謂之騂牝。則自脊以外。非赤色也。魯頌閟宮篇。享以騂犧。傳曰。騂。赤犧。純也。箋曰。赤牛純色。今唯脊毛赤。而餘則否。豈純色之謂乎。

且無以異於羣公之不純色矣。下文羣公不毛。注曰。不毛。不純色。明堂

位曰。夏后氏牲尚黑。殷白牡。周騂剛。若以騂剛爲赤脊。

則是夏牲尚黑。殷牲尚白。全體之毛色皆然。而周之尚

赤。獨爲脊赤。而非全體皆赤之牲。無是理也。當從說文

訓。剛爲特牛。特牛。牡牛也。說文。特。牛父也。騂剛。猶言騂牡耳。小

雅信南山曰。祭以清酒。從以騂牡。

其意也

宣元年傳。繼弑君不言卽位。此其言卽位何其意也。引

之謹矣。其意上當有如宗桓元年傳。繼弑君不言卽位

此其言卽位何如其意也。何注曰。弑君欲卽位。故如其

意以箸其惡是也。若無如字。則文義不明。蓋寫者脫去耳。唐石經已然。

赫然

六年傳。趙盾就而視之。則赫然人也。何注曰。赫然。已支解之貌。疏不解赫然二字。引之謹案。赫之言。抃也。說文。抃。裂也。從手赤聲。秋官敘官釋文。抃。徐呼陌反。案古音當讀如霍。續漢書禮儀志。逐疫詞曰。赫女軀。拉女幹。節解女肉。抽女肺腸。是分裂謂之赫。後漢時猶有此語也。

勝乎皇門

十二年傳。莊王伐鄭。勝乎皇門。放乎路衢。何注曰。勝。戰

勝家大人曰。爾雅勝克也。謂莊王克鄭。入自皇門。非謂
戰勝也。凡克國克邑。皆曰勝。下文曰。今君勝鄭。而不有
新序雜事。篇勝作克。隱二年左傳曰。司空無駭入極費。序父勝之。
文十五年傳曰。凡勝國曰滅之。襄十年傳曰。城小而固。
勝之不武。弗勝爲笑。哀元年傳曰。國勝君亡。非禍而何。
十三年傳曰。國勝乎。大子死乎。晉語曰。趙襄子使新稚。
穆子伐狄。勝左人中人。孟子公孫丑篇曰。三里之城。七
里之郭。環而攻之而不勝。並與此勝字同義。

茅旌

鄭伯肉袒。左執茅旌。右執鸞刀。以逆莊王。何注曰。茅旌。

祀宗廟所用迎道神指護祭者。斲曰藉。不斷曰旌。用茅者。取其心理順一。自本而暢乎末。所以通精誠。副至意。引之謹案。春官司巫。祭祀則共藉館。鄭注曰。藉之言藉也。祭會有當藉者。引士虞禮。荳茅長五寸。史記封禪書曰。古之封禪。江淮之間。一茅三脊。所以爲藉也。是茅之薦物者。或曰藉。或曰莖。而無稱旌之文。何注。斲曰藉。不斷曰旌。未知何所據也。茅爲莖名。旌則旗章之屬。二者絕不相涉。何得稱茅以旌乎。今案茅當讀爲旄。旄。正字也。茅。俗字也。蓋旌之飾。或以羽。或以旄。春官司常。析羽爲旄。爾雅注。旄首日旌。率巡注曰。旄牛尾簪千首。見

風干旄
正義

是也其用旄者則謂之旄旌矣地官掌節道路
用旌節鄭注曰今使者所持節是也後漢書光武帝紀
注節所以爲信也以竹爲之柄長八尺以旄牛尾爲其
旄三重桓十六年左傳壽子載其旌以先邶風二子乘
舟傳作竊其節而先往正義引史記衛世家盜其白旄
而先而釋之曰或以白旄爲旌節也漢書蘇武傳杖漢
節牧羊臥起操持節旄盡落是節卽旌旌也周語曰敵
國賓至行理以節逆之然則鄭伯執旌旌者其自比於
行人執節以逆賓與何氏據節字作解而不求其正字
非也旄從毛聲茅從矛聲古毛聲矛聲之字往往相通

如詩髦彼兩髦之髦。說文作髣。如鬢如髦之髦。牧誓作
髦是其例也。新序雜事篇載此事。正作旄旌。唐余知古
惜宮舊事。同蓋出嚴氏春秋也。校何氏本爲長。

而微至乎此

君如矜此喪人。錫之不毛之地。使帥一二耆老而綏。稟
請唯君王之命。莊王曰。君之不令臣交易爲言。是以使
寡人得見君之玉面。而微至乎此。何注曰。微喻小也。積
小言語以致於此。引之謹案。邶風式微傳曰。微無也。言
寡人得見君面。徒以君之不令臣微怒使然耳。而其實
貳而伐之。服而舍之。無或至於滅國遷君若此之甚也。

僞十五年左傳寡人之從君而西也亦晉之妖夢是踐豈敢以至語意與此相似是赦鄭之語故下文遂言擣軍還舍何訓微爲小而加積言語三字以釋之殆失之迂矣上文已云交易爲言矣何又云積小言語邪且鄭伯請不毛之地待命甚殷豈得置之不荅而但言伐鄭之由乎韓詩外傳載此文而省去君如矜此荅人四句遂使微至乎此文義不明蓋西漢時人已不識傳意矣

潞子之爲善也躬

十五年傳潞何以稱子潞子之爲善也躬足以亡爾何往曰躬身也引之謹案躬行善事無取滅亡之理此非

傳意也。古字窮與窮通。

論語鄉黨篇鞫窮如也。聘禮鄭注作鞫窮。大戴禮記哀公問五

義篇窮爲匹夫而不願富貴。爲諸侯而無財。窮與窮同。

窮當讀爲窮。潞子之爲善

也。窮言潞子之爲善其道窮也。蓋潞子去俗歸義而無黨援。遂至於窮困。下文曰。離于夷狄。而未能合于中國。晉師伐之。中國不救。狄人不有。是其窮於爲善之事也。何注失之。孔氏通義又以窮字屬下讀。而云足以亡其躬。案經云。以潞子嬰兒歸。未嘗殺之也。不得云亡其躬。古人字多假借。必執本字以求之。則迂曲而難通矣。

是則土齊也 不可

成二年傳國佐曰。與我紀侯之廟。請諾。反魯衛之侵地。

請諾。使耕者東畝。是則土齊也。蕭同姪子者。齊君之母也。齊君之母猶晉君之母也。不可。疏曰。是則土齊也。亦有一本云。是則土齊也。曰不可者。各本也。字倒在此。不可下。今改正。引之謹案。一本是也。曰不可者。國佐白荅上語也。與僖二十一年傳之曰不可同義。齊君之母猶晉君之母也。不可。不可上亦當有曰字。皆後人不解古人文義而刪之耳。後漢書孔融傳注引此云。齊君之母猶晉君之母也。曰不可。則所見本尚未刪曰字。兩曰不可。與上文之兩請諾相應。爲文若去其一。則文不相應矣。又案是則土齊也。下何注云。則晉悉以齊爲土地。是不可行。此正釋曰不可三字也。

下注云言至尊不可爲質此亦釋下文曰不可三字也
上下皆言曰不可故何注兩釋之若上文本無曰不可
三字而以下文之不可總上二事言之則上注不當先
言是不可行下注又不當但言不可爲質矣合兩注觀
之則後人妄刪之迹自明德二十年傳宋公曰自我爲
之自我墮之曰不可亦是自咎上語也論語陽貨篇曰
懷其寶而迷其邦可謂仁乎曰不可好從事而亟失時
可謂知乎曰不可彼文兩言曰不可亦與此同前曰不可皆陽
貨之言說見四書釋地墨子耕柱篇亦曰和氏之璧隋
侯之珠可以富國家取人民治刑政安社稷乎曰不可
惠氏公羊古義曰是則土齊也土讀曰杜古杜字皆作

土。周禮及司馬法曰。犯令陵政則杜之。注云。王霸記曰。杜之者。杜塞使不得與鄰國交通。引之謹案。惠說非也。耕者東甌往來。仍自可通。交鄰之路。豈由此而杜塞乎。僖四年穀梁傳說。齊桓公侵蔡。云不土其地。不分其民。明正也。謂不以蔡之地爲齊土。非杜塞之謂也。此云土齊。亦謂以齊之地爲晉土。故何注曰。則晉悉以齊爲土地也。於義自通。無煩改讀。

蓋舅出也

襄五年。叔孫豹卽世子巫如晉。傳曰。外相如。不書。此何以書。爲叔孫豹率而與之俱也。叔孫豹則曷爲率而與

之俱蓋舅出也何注曰巫者卽前夫人襄公母姊妹之子也俱莒外孫故曰舅出孔氏通義曰定弋卽女蓋卽世子巫之姊妹故巫於襄公爲舅襄公於巫爲出也爾雅曰男子謂姊妹之子爲出引之謹案孔解舅出長於舊注矣而以襄公與巫爲舅出則非也襄公若爲巫之甥則傳當實指之曰蓋公與巫舅出也文義始明今傳無一語及襄公則所謂舅出者非公與巫也尋繹傳文蓋舅出也之語上承叔孫豹率而與之俱則豹之與巫一爲舅一爲出矣言豹所以與巫俱者蓋與巫爲舅出故也春秋之大夫交政於中國故與鄰國之君論婚媾

哀十三年左傳宋景曹卒季康子使冉有弔且送葬曰以肥之得備彌甥也有不腆先人之產馬使求薦諸夫人之宰杜注曰景曹宋元公夫人桓子外祖母也宋魯匹敵之國而猶如是況小國乎

往始乎晉

吾將滅之故相與往始乎晉也何注曰始疑疑讞于晉齊人語孔氏通義曰始危也告危於晉也家大人曰何訓始爲疑往疑乎晉則爲不辭故加讞字以增成其義然始可訓爲疑不可訓爲讞也孔訓始爲危往危乎晉則尤爲不辭故加告字以增成其義然傳言始乎晉不

言告始乎晉也今案始讀爲治

始治古聲相近故字亦相通荀子疆國篇疆始

中國楊倬往始或爲治

治謂訟理也以鄆子欲立異姓爲後故相

與往訟理於晉也

下文曰莒將滅之則曷爲相與往始乎晉取後乎莒也其取後乎莒奈何

莒女有爲鄆夫人者蓋欲立其出也注曰時莒女嫁爲鄆後夫人夫人無男有女還嫁之子莒有外孫鄆子愛欲立其外孫 僖二十八年傳叔武爲踐土之會治反

衛侯注曰叔武訟治於晉文公令白王者反衛侯使還

國也成十六年傳公子喜時外治諸京師而免之注曰

訟治于京師解免使來歸皆與此傳往治乎晉同義古

謂訟理爲治訟或曰辭訟周官小宰曰聽其治訟小司

徒曰聽其辭訟司市曰聽大治大訟小治小訟皆是也

大司徒曰凡萬民之有獄訟者與有地治者聽而斷之
有地治者謂爭地而訟理者也說見周官訝士曰凡四方之
有治於士者造焉亦謂有訟理於士者也

莒女有爲鄆夫人者

其取後乎莒奈何莒女有爲鄆夫人者蓋欲立其出也
何注曰時莒女嫁爲鄆後夫人夫人無男有女還嫁之
于莒有外孫鄆子愛後夫人而無子欲立其外孫引之
謹案依傳莒女爲鄆夫人而欲立其出則似所立者鄆
夫人之子而莒之外孫矣如此則與取後乎莒之文不
合故注曲爲之說曰夫人無男不女還嫁之于莒有外

孫鄆子愛後夫人而無子。欲立其外孫。然無男有女還嫁之子。莒皆傳文所無。蓋當時解傳者增益其說不足據也。尋繹傳文。莒女有爲鄆夫人者。當作鄆女有爲莒夫人者。寫者上下互譌耳。鄆女爲莒夫人。則莒夫人之子。鄆之外孫也。鄆子舍世子巫而欲立其外孫。故曰欲立其出。又曰取後乎莒也。何所見本已譌。故其說迂曲而難通。

歲在己卯

二十一年傳庚子。孔子生何注曰。時歲在己卯。疏及鄆本闕本

北監本承懷堂本皆如是俗本作乙卯誤勵氏滋大曰。是年歲在己酉。古文

卯作𠂔酉作𠂔。字形相類。故何氏誤以巳酉爲巳𠂔。錢氏曉徵以三統術超辰之法推之。謂是年歲在乙巳巳𠂔必乙巳之譌也。引之謹案杜氏長祿是年歲在巳酉與三統術同。大雅文王正義引三統之術魯隱公元年歲在巳酉何氏何至不識古文酉字而以爲巳𠂔。𠂔說似亦同矣。何氏何至不識古文酉字而以爲巳𠂔。𠂔說似是而非。若以爲乙巳之譌則𠂔巳二字形體聲音俱不相近。巳字無緣誤𠂔。何氏精於識緯。識緯多用殷秣甲寅元。續漢書律秣志論曰殷秣元用甲寅犬衍秣議曰緯所據者殷秣也。不得以三統術說之也。錢說亦未得其實。今案漢世說春秋獲麟至漢興年數多寡各異。有謂獲麟至漢興二百七十五歲者。

後漢虞恭等所謂歲在乙未則漢興元年又上二百七十五歲歲在庚申則孔子獲麟是也有謂獲麟至漢興百六十二歲者後漢馮光陳晁之說也

並見續漢志

今由哀

公十四年獲麟歲在庚申上推之七十一年而至襄公二十一年歲在己酉據大初元年丙子殷秣以爲甲寅

說詳大歲考

則歲在己酉殷秣當爲丁亥與此注不合矣由

獲麟至漢興百六十二歲推之漢興元年漢志以爲甲午殷秣當爲壬申由壬申上推百六十二歲至獲麟之歲歲在庚寅又上推七十一歲至襄公二十一年則歲在己卯故此注曰歲在己卯也蔡邕秣議曰馮光陳晁

所據則殷祿元也又曰光晃以考靈曜為本見續漢志然則

此注謂襄公二十一年歲在己卯始用考靈曜紀年之

法續漢志曰考靈曜有甲寅元案甲寅元殷祿也而考靈曜又本於殷祿與

乙未

二十八年十二月甲寅天王薨乙未楚子昭卒何注曰

乙未與甲寅相去四十二日蓋閏月也引之謹案杜氏

春秋長祿明年閏八月則是年不當有閏月且長祿是

年十二月甲寅為十二月十七日明年二月癸卯二十六年

左傳二月癸卯齊人葬莊公於比郭為二月七日若十二月後有閏月則

癸卯當在明年正月不得在二月矣何說非也乙未當

爲己未

左氏經亦作乙未杜注日十二月無乙未日誤

甲寅爲十二月十七日

則己未當爲二十二日己與乙字形相似故己誤作乙

左氏經莊三十二年冬十月己未子般卒公羊穀梁竝

作乙未乙亦己之誤也

據杜氏長孫是月無乙未

終身無己也

二十九年傳爾般吾兄吾又般爾是父子兄弟相殺終身無己也家大人曰父子兄弟非一人不得言終身也身字蓋因下文終身不入吳國而衍終無己者終竟也竟無己時也檀弓曰爾責於人終無己夫莊子則陽篇其可喜也終無己呂氏春秋知度篇是耳目人終無己

也文義竝與此同。昭二十七年疏引此已衍身字。則不始於唐。后經矣。新序節士篇亦作終身。無已蓋後人據誤本公羊增身字也。

叔孫舍至自晉

昭二十四年傳。叔孫舍至自晉。疏曰。上十四年春。隱如至自晉。以其被執而還。故省去其氏。今此叔孫舍不去氏者。蓋以無罪故也。是以文十四年傳云。稱行人而執者。以其事執也。注云。以其所衛奉國事執之。晉人執我行人。叔孫舍是也。不稱行人而執者。以已執也。注云。已者。已大夫自己。與以同。大夫之罪。執之分別之者。罪當各

歸其本。以此言之。則知隱如有罪。故去其氏。叔孫無罪。故無貶文。以上疏。引之謹案。叔孫二字。後人所增。非其原

本也。文十四年傳。但言無罪而執者。稱行人有罪而執者。不稱行人。宋嘗言無罪而執者。至則稱氏。有罪而執者。至不稱氏也。不足爲叔孫舍至自晉之證。若隱如至自晉。省去其氏。叔孫舍至自晉。獨不省。則傳必詳言其義。文十五年傳。單伯至自齊。注云。不省去氏者。淫當絕。使若他單伯至也。以此例之。若叔孫舍至自晉。不省去氏。注亦必加訓釋。今傳無文。注亦不言其有異。則舍至自晉。與隱如至自晉。同一書法可知。至而不省去氏者。

惟單伯一人則隱如及舍之至皆省去氏可知。且宣元年春公子遂如齊逆女三月遂以夫人姜氏至自齊。傳說遂以夫人姜氏至自齊曰遂何以不稱公子一事而再見者卒名也。何注曰卒竟也竟但舉名者省文據此則一事再見者其始稱氏族其卒則但稱名故昭十三年晉人執季孫隱如以歸十四年則省去季孫而云隱如至自晉二十三年晉人執我行人叔孫舍二十四年則省去叔孫而云舍至自晉正所謂一事而再見者卒名也其不得有叔孫二字顯然明白左氏穀梁竝作婚至自晉無叔孫二字左氏曰婚至自晉尊晉也杜注曰

貶媾族。所以尊晉穀梁曰。大夫執則致。致則絜。由上致之也。范注曰。上謂宗廟也。致臣于廟。則直名而已。所謂君前臣名。此皆舍至自晉不稱叔孫之明證。不應公羊獨有此二字也。徐氏所見本已誤增此二字。故臆爲之誦耳。孔氏通義亦沿其誤。

且夫牛馬維婁委已者也而柔焉

二十五年傳。且夫牛馬維婁委已者也而柔焉。

委俗作餒。何

讀至婁字絕句。注曰。繫馬曰維。繫牛曰婁。引之謹案。維婁分屬牛馬。古無明文。且牛馬之順於餒已者。不待維繫而始然。然則維婁二字爲贅文矣。今案此當讀且夫

牛馬爲句。維婁委已者也。而柔焉爲句。維與惟同。婁古

屢字也。

小雅角弓篇。式居婁騎。王肅注。婁數也。又正月篇。屢顧爾僕。釋文作婁。巧言篇。君子屢盟。賓之

初筵篇。屢舞。僊僊。釋文並曰。本又作婁。周頌桓篇。屢豐年。釋文。后經並作婁。郊特牲。孔子屢歎之。釋文作婁。漢書宣帝紀。婁蒙嘉瑞。師古曰。婁。

云屢餒已者。喻季氏之

得民已久也。故下句曰。季氏得民衆久矣。言牛馬非他人是順。惟屢餒已者。而順焉。亦猶季氏之得民久而民皆從之也。

君無多辱焉

季氏得民衆久矣。君無多辱焉。多字釋文無音。家大人曰。多讀爲祇。祇適也。言民皆爲季氏用。君若伐之。則民

必助之無適自取辱也。昭二十九年左傳曰：君祇辱處是也。祇多古字通說見前。多遺秦禽下。

賁而曰

定八年傳：陽虎弑不成卻反。舍于郊。皆說然。息或曰：弑千乘之主而不克。舍此可乎。陽虎曰：夫孺子得國而已。如丈夫何。賁而曰：彼哉彼哉。趣駕。何注曰：望見公斂處。父師而曰：彼哉彼哉。再言之者。切遽意。家大人曰：何以賁字從目。故訓爲望。其實非也。賁讀爲俄。俄謂須臾之頃也。桓二年何注曰：俄者謂須臾之頃也。虎舍于郊而說然。聞創得之頃也。說文：俄行頃也。虎舍于郊而說然。息謂魯人之必不來追也。俄而思公斂處。父必來追。故

日彼哉彼哉。此意中之處父。非日中之處父也。處父至則不及駕。故曰趣駕。非望見處父之師而後駕也。俄而二字。傳文屢見。桓二年傳曰俄而可以爲其有矣。莊三十二年傳曰俄而牙紂械成。作俄者。假借字耳。上文曰蛾而鉸其板。亦是借蛾爲俄也。漢書外戚傳始爲少傅蛾而大索則又借用蛾字。

三月辛巳

十四年三月辛巳。楚公子結陳公子佗人師師滅頓。以頓子貽歸引之。謹案三當爲二。左氏穀梁竝作二。據杜預長歷。是年二月己未朔辛巳二十三日也。若三月則

戊子朔不得有辛巳矣。釋文但言公子佗人。二傳作公孫佗人。猶二傳作淮而不言三月。二傳作二月。則此傳亦作二月可知。唐石經始誤爲三。

色然

哀六年傳諸大夫見之。皆色然而駭。何注曰。色然。驚駭貌。釋文。色然如字。本又作坭。居委反。又或作危。引之謹案。色者。歆之偕字也。一切經音義卷九。歆所力反。埤蒼云。恐懼也。通俗文。小怖曰歆。公羊傳云。歆然而駭。是也。集韻。歆。恐懼也。亦引春秋傳。歆然而駭。與何本不同。蓋出王愆期。高龍孔衍三家注也。坭。危皆色之譌。猶脆之

譌爲脫矣

夏一本作廉

十三年盜殺陳夏驅夫釋文夏戶雅反一本作廉引之謹案夏與廉聲不相近夏字無由通作廉廉蓋廉字之誤古聲夏廉相近夏古音戶詳見唐韻正故夏通作廉檀弓見若覆夏屋者矣鄭注曰夏屋今之門廡也夏廡聲相近故說文廡廡也廡堂下周屋釋名大屋曰廡附莫人謂之廡廡夏聲亦相近夏之爲廡猶廡之爲廡也正義以爲夏家之屋是廡與夏聲義相近也隸書廉字作廡與廡失注意矣是廡與夏聲義相近也隸書廉字作廡與廡相似故廡誤爲廉耳公羊古本蓋作廡今作夏者後人以二傳改之也

涕沾袍

十四年傳反袂拭面涕沾袍何注曰袍衣前襟也疏曰袍亦有作衿字者以衣前襟言之袍似得之臧氏玉林經義雜記曰說文袍襦也論語曰衣弊緼袍衽交衽也是當作涕沾衽衽襟皆俗字作袍非也論衡指瑞云反袂拭面泣涕沾襟是王仲任所見之傳亦作衽春秋序正義引公羊涕沾袍下又云聖人甯復畏懼歟以下沾衿之泣據下作沾衿疑上沾袍或後人改也家大人曰何以袍爲衣前襟者袍本作衺步報反釋文袍步刀反又步報反衣前襟也當以步報之音爲是玉篇衺與袍

同。又步報切。衣前衿也。廣韻衮薄報切。衣前襟。墨子公孟篇曰。楚莊王解冠組纓。絳衣博袍。然則袍者衮之偕字。涕沾袍。卽涕沾襟。非衣敝。縕袍之袍也。論衡引此傳。面狩獲麟。作面狩獲舛麟。涕沾袍。作泣涕沾襟。蓋據嚴氏春秋。故與何本異。其實襟與袍一物也。春秋序正義引公羊涕沾袍。又曰下沾衿之泣者。以衿袍同物。而衿爲人所易曉。故言衿以見袍。非引公羊本作衿而後人改之也。

公羊災異

引之謹案。公羊春秋記災異者。數矣。自董仲舒推言災

異之應

見漢書五行志

何休又引而申之其說詳且備然尋

檢傳文惟宣十五年冬螽生有變古易常應是而有天
災之語其餘則皆不言致此之由亦不以爲禍亂之兆
如隱三年日有食之何注曰是後衛州吁弑君諸侯初
偕魯隱係獲公子翬進詔謀九年大雨震電注曰隱不
還國於桓之所致大雨雪注曰此桓將怒而弑隱公之
象然傳但云記異未嘗言某事所致某事之象也隱五
年螟注曰先是隱公張百金之魚設苛令急法以禁民
之所致桓元年大水注曰先是桓篡隱百姓痛傷悲哀
之心既蓄積而復專易朝宿之邑陰逆而與怨氣并之

所致五年大雩注曰先是桓公無王而行比爲天子所
聘得志益驕去國遠狩大城祝邱故致此旱然傳但云
記災未嘗言某事之所致也其他記災記異者不可枚
舉而皆無一語及於感應乃知公羊之學惟據人事以
明法戒不侈天道以涉譴張蓋天人之際荒忽無常君
子於其所不知蓋闕如也自董仲舒推言災異之應已
開讖緯之先何氏又從而祖述之述其多方揣測言人
人殊謂之推廣傳文則可謂之傳之本指則未見其然
也至於穀梁則言災異者尤鮮而劉向說莊七年恆星
不見夜中星隕如雨以隕者象諸侯墮失其所也夜

中而隕者象不終其性命中道而落說僖十四年沙鹿
崩曰鹿在山下平地臣象陰位也崩者散落背叛不事
上之象說十六年六鵠退飛過宋都曰鵠陽也六陰數
也象陽而陰行必衰也說昭二十五年有鵠鵠來巢曰
去穴而巢此陰居陽位臣逐君之象也以上並見
范甯注皆流
入古驗之學而考之穀梁傳文則絕無此語豈非王充
論衡所謂語增者與

經義述間第二十四